

समा. 09.20 Hrs

Headlines

1. पूरी दुनिया च अज्ज “क्रिसमस” दा त्योहार प्रार्थनाएं ते समारोहें दा आयोजन करिये मनाया जा’रदा ऐ। लैफ्टिनेंट गवर्नर मनोज सिन्हा- मुख्ख मंत्री उमर अब्दुल्ला ते मंत्रीमंडल दे होरनें मंत्रियें लोकें गी इस मौके पर दिली शुभकामनां भेंट कीतियां न।
2. कृषि उत्पादन विभाग- ग्रामीण विकास ते पंचैती राज मंत्री जावेद अहमद डार हो’रें आखेया जे वाटर-शैड विकास- ग्रामीण कल्याण ते कृषि दे बाद्दे विकास लेई बेहद महत्व रखदा ऐ।
3. जल शक्ति मैहकमे दे मंत्री जावेद अहमद राणा हो’रें जम्मू च सिंचाई ते हाईं दी रोक आलियें परियोजनाएं गी तयशुदा समें दे अंदर-अंदर सबूरा करने दे निर्देश दिते- सेही तरीके’नै कम्म नैई करने आलें ठेकेदारें गी ब्लाक-लिस्ट करने दे हुकम दिते।
4. जम्मू-कश्मीर बैंक नै एम.एस.एम.ई बैंकिंग उत्कृष्टता सम्मान 2025 च उत्कृष्ट एम.एस.एम.ई बैंक दा अवार्ड जितेया ऐ।
5. स्कीना इतू हो’रें सेहत सैक्टर च मुख्खमंत्री हुंदे विजन-2030 आले लक्ष्य गी हासिल करने लेई कार्यवाही योजना दा लेया जायजा- असरदार तरीके नै संसाधनें दे इस्तेमाल पर पाया जोर। सेहत सहूलतें दी दस्तेयाबी दौरान लोकें पर केन्द्रित रौं-रवेइया अपनाने पर पाया जोर।

<> <> <> <> <> <>

Christmas

अज्ज समूलची दुनिया च “क्रिसमिस” दा त्योहार मनाया जा”रदा ऐ। दुनिया भर च ईसाई समुदाय दे लोक यीशु- मसीह हुं”दे जन्म दे चेतें च क्रिसमिस मनांदें न। इस मौके पर लोक “क्रिसमिस” गी रंग-बिरंगियां लड़ियां- तारें ते पुष्प चक्र लाइयें अपने घर सजांदें न ते इक्क-दुए गी तोहफे दिंदें न। सब्बनं गिरजाघरें गी शैल सनाहकड़े ढंगे कन्नै सजाया गेदा ऐ ते Mass Prayers सनं टकोहदे कार्यक्रमें दा बी सरिस्ता कीता जंदा ऐ। इस बरे 14में पोप Leo अपनी चनोए जाने मगरा पहली बारी “क्रिसमिस” त्योहार दी अध्यक्षता करा”रदे न। अज्ज पोप क्रिसमस-डे मनांगन ते बरे च दंऊ बारी दिते जाने आहले Urbi and Orbi शहर ते दुनिया ताई अपना सनेहा ते अपना आशीर्वाद देगंन।

<><><><><><>

LG- Greetings

लैफ्टिनेंट गवर्नर मनोज सिंहा हो”रें “क्रिसमस” दे मुबारक मौके पर लोकें गी अपनियां दिली शुभकामनां भेंट कीतियां न। अपने इक सेनह च लैफ्टिनेंट गवर्नर होरें मेद दस्सी जे “क्रिसमस” दे इस खुशी दे मौके पर लोकें च प्रेम ते समोध बधोग। ए त्योहार यीशु मसीह हुं”दे जन्म ध्याड़े दे चेतें च मनाया जंदा ऐ ते असेंगी भगवान यीशु मसीह हुंदे प्रेम- दयाभाव ते दुएं गी माफ करने दी शिक्षा दिंदा ऐ। एह शुभ ध्याड़ा- खुशहाल भविष्य आस्तै इक-दुए दे कल्याण ते वचनबद्धता गी चेतें नोआंदा ऐ। “क्रिसमस” दी भावना असेंगी जरूरतमंदें दी मदाद ते सब्बनं लेई अमन शांति- खुशहाली ते समृद्ध गी बांदै करदी ऐ।

<><><><><><>

CM -Greetings

मुख्यमंत्री उमर अब्दुल्ला होंरें जम्मू-कश्मीर दे लोकें गी ते पूरी दुनिया गी जेड़ी अज्ज
“क्रिसमस” दा त्योहार मना’रदी ऐ अपनियां निगिधियां शुभकामनां भेंट कीतियां। “क्रिसमस”
गी अमन शांति- प्रेम ते दयालुता दा प्रतीक दसदे होई मुख्यमंत्री होंरें आखेया जे यीशु मसीह
हुंदियां शिक्षां लगातार मानवता गी दयाभाव -माफ करने दी भावनाएं ते समोथै गी सशक्त
करदियां रौहगंन। उ’नें आखेया “क्रिसमस” छड़ा इक समारोह नैई समोथ ते आपसी इज्जत
मान आले सांझे नैतिक मुल्लें गी परतियें चेतें करने दा मौका ऐ। जिसलै सब्बनें समुदायें दे
लोक एकेस दी भावना कन्नै किट्ठै रलियें “क्रिसमस” मनांदे न। मुख्यमंत्री होंरें जम्मू-
कश्मीर दी सगोसार धर्म-निरपक्ख भावना ते सदियां परानी पराये आली परम्परा गी उजागर
करदे होई लोकें गी अपील कीती जे ओ समाज दे दबोए-लतड़ोए दे लोकें दी मदाद करन तां’जे
सबबै खुशी-खुशी एह त्योहार मनाई सकन।

<><><><><><>

Satish Greetings

खुराक- सार्वजनिक बंड सरिते ते उपभोक्ता मामलें IT- Transport- युवा सेवा ते खेड्ड मंत्री
सतीश शर्मा होंरें जम्मू-कश्मीर दे लोकें गी ते खास करी ईसाई समुदाय गी “क्रिसमस” दे
पवित्र मौके पर दिली शुभकामनां भेंट कीतियां न। अपने मुबारकी स्नेह च उ’नें आखेया जे
भगवान यीशु मसीह हुंदियां शिक्षां मानवता गी सदा सच्चाई- विनम्रता ते समोथै आली बता पर
टुरने दी प्रेरणा दिंदियां रौहगंन- जेड़ियां इक न्यायप्रिय ते समावेशी समाज दे निर्माण लेई

बड़ियां जरूरी न। सतीश शर्मा होरें जम्मू-कश्मीर दे लोकें दी खुशहाली ते समृद्धि दी बी कामना कीती।

<><><><><><>

Dar- Watershed

कृषि उत्पादन विभाग- ग्रामीण विकास विभाग दे पंचैती राज- सहकारिता ते चुनां विभाग दे मंत्री जावेद अहमद डार होरें कल आखेया जे वाटर शैड विकास- ग्रामीण इलाकें दी बेहतरी- जल सुरक्षा यकीनी करने ते राई-बाई आले सैक्टर गी तगड़ा करने च इक अहं भूमिका नभाना ऐ। कल जम्मू च पंचैत भवन- रेलवे रोड थाहर आयोजित वाटर शैड महोत्सव-2025 च अपने सम्बोधन च उ'नें इयां आखेया। इस समारोह दा आयोजन जम्मू-कश्मीर दे संगठित जल विभाजन प्रबंधन प्रोग्राम- IWMP आसेया ग्रामीण विकास ते पंचैती राज विभाग तैहत कीता गेदा हा। मंत्री होरें जल विभाजन प्रबंधन च जन-भागीदारी दी महत्ता पर जोर पांदे होई आखेया जे सतत कोशिशें कन्नै ग्रामीण इलाकें च बदलाव आंदा जाई सकदा ऐ। उ'नें विभाग ते भारत सरकार आसेया इत भेठा चलाई गेदियें स्कीमें दी सराहना कीती ते आखेया जे एहदे नै धरतैं दे हेठ आले जल संसाधन गी हालिया ते भविष्य आलियें पीढ़ियें लेई जल संरक्षण च मदाद थोग। मंत्री होरें प्रोजेक्ट दी अमलावरी दौरान ज़मीनी सतह पर पारदर्शिता ते जवाबदेही दी जरूरत पर जोर पाया- तां जे लोकें तकर असरदार तरीके नै सेवां यकीनी कीतियां जाई सकन। मंत्री होरें कृषि सैक्टर ते ग्रामीण इलाकें दी बेहतरी लेई वाटर शैड विकास गी महत्वै आला दस्सेया।

<><><><><><>

Rana –I&FC

बुनियादी ढांचे के विकास के तेजी आनने के माली अनुशासन लागू करने आसतै इक्क फैसलाकुन में पुट्टदे होई जेल शक्ति मैहकमे के मंत्री जावेद अहमद राणा होरें कल जम्मू संभाग के सिंचाई के हाई के नियंत्रण सरबन्धी डिवीजन के 2025-26 ताई मंजूरशुदा स्कीमें तैहत कीते जा'रदे कम्म के तरक्की का जायजा लेने आसतै कल इक उच्ची सतह आहली बैठक के प्रधानता कीती। बैठक दौरान मंत्री होरें चला'रदिये के नमी मंजूरशुदा परियोजनां दोने के ठोस के माली तरक्की का डिवीजन वार व्यापक समीक्षा कीती। उ'ने अधिकारिये की निर्देश जारी करदे होई आखेया के परियोजनाएं की तय समे-सीमा अंदर तोड़ चाढ़दे होई म्यार सरबन्धी मानके का पूरा ध्यान रखेया जा। उ'ने इस गल्ला पर जोर पाया के कम्म के च देरी के घटिया कम्म बर्दाश नई कीता जाग। चलै'रदे कम्म के की बेल्ले सिर पूरा करने के महत्व पर जोर दिंदे होई राणा होरें अधिकारिये की कम्म पर टकोहदा ध्यान देने के कन्नो-कन्नी विस्तृत परियोजना रिपोर्ट DPR तयार करने के बी निर्देश जारी कीते। उ'ने करसाने की बिजन रुकावट के नहरी पानी के सप्लाई की यकीनी बनाने पर जोर भरेया। उ'ने सेई तरीके कन्नै कम्म नई करने आहले ठेकेदारें की ब्लाक लिस्ट करने के हुकम दिते।

<><><><><><>

J&K Bank

जम्मू-कश्मीर बैंक ने MSME 2025 अवार्ड के मन्ने-परमन्ने के Best Micro Small के Medium Enterprises बैंक ईनाम जितेया ऐ- कन्नै की CSR Initiative & Business Responsibility वर्ग के दुई थाहर हासल कीती ऐ। MSME बैंकिंग ईनाम लौहके- भलेया लौहके के दरम्यान दर्जे के एंटरप्राइजे की बढ़ावा देने के शानदार कारकरदगी दस्सने आहले बैंक की दिता जंदा ऐ।

ध्यानजोग ऐ जे केन्द्री बंज बपार मैहकमे दे मंत्री पीयूष गोयल होरें नमीं दिल्ली च लग्गे दे इक कार्जक्रम च ए पुरस्कार प्रदान कीते। बैंक पासेया ए पुरस्कार चीफ जनरल मैनेजर सुनीत कुमार ते GM डिविजन हैड खुर्शीद मुजप्फर होरें हासल कीते। एदे पर खुशी प्रगट करदे होई MD ते CEO अभिताव चटर्जी होरें आखेया जे ईनाम हासल करियै अस अपने आपै च मान महसूस करा'करदे आं। उ'नें दसेया जे अस टकोहदा तौरा पर यूटी सरकारै दे मुख मिशन युवा कार्जक्रम गी लागू करा करने आं- जेदा लक्ष अगले 5 बरें च 1 इशारिया 37 लख उद्यम बनाना ऐ- जेदे नतीजें च 4 इशारिया 25 रोजगार दे मौके पैदा होगन।

<><><><><><>

Sakina -Health

मुख्यमंत्री उमर अब्दुल्ला हुंदे सेहत क्षेत्र ताई बिजन 2030 मताबक सेहत ते मैडिकल शिक्षा मैहकमे दियां मंत्री स्कीना इतू होरें कल जम्मू सिविल सचिवालय च इक्क समीक्षा बैठक दी प्रधानता कीती। बैठक दा मकसद जम्मू-कश्मीर च सार्वजनिक सेहत प्रणाली गी मजबूत करना ते मैहकमे दी कार्य-योजना दी समीक्षा करना हा। बैठक दौरान स्कीना इतू होरें सेहत सेवा सरबन्धी बुनियादी ढांचे गी उब्बड़ा चुक्कने प्राथमिक ते माध्यमिक सेहत सेवा गी मजबूत करने- अज्जै-कल्लै आहलियां चिकित्सा प्रोद्योगिकी गी अपनाने ते लोडचदियें दोआइयें जनेह मुख मुद्दें पर विस्तार कन्ने गल्लकत्थ कीती। उ'नें ग्राएं-मोहड़ें ते टकोहदा करियै दूर-दरेडे इलाकें च बेहतर सेहत सेवां यकीनी बनाने पर जोर भरेया। इतू होरें अफसरें गी जोर देइयै आखेया जे विजन गी हासल करने आस्तै कार्य-योजना 2030 गी सोहगे होई त्यार कीता जाना लोडचदा- तां जे मुख्यमंत्री हुंदे नजरियै सब्बनें लेई किफायती-सखल्ली ते मय्यारी सेहत सहूलतां उपलब्ध

करोआइयां जाई सकन। उ'नें विजन 2030 तैहत निर्धारित लक्षें गी हासल करने आस्तै अंतर
विभागीय तालमेल ते निगरानी दे महत्व पर जर पाया।

<><><><><><>